

ტენდერში გამარჯვებულმა კომპანიამ სამინისტროსთან ხელშეკრულების გაფორმებიდან არაუგვიანეს 5 სამუშაო დღისა სამინისტროში შესათანხმებლად უნდა წარმოადგინოს კომისიის შემადგენლობა (მინიმუმ 3 წევრი) შესაბამის კვალიფიკაციის დამადასტურებელ დოკუმენტებთან ერთად:

- ა) უმაღლესი (მაგისტრი ან დოქტორის აკადემიური ხარისხით) განათლება;
- ბ) სერტიფიცირებული ინგლისურ ენაში;
- გ) სხვადასხვა კონკურსებში მონაწილეობის გამოცდილება ან/და წამყვანი, ან/და მენტორი მასწავლებლის სტატუსის მქონე;
- (იხ. დანართი N1 - ტენდერში გამარჯვებული კომპანიის მიერ დაკომპლექტებული კომისიის წევრთა მონაცემები).

ტენდერში გამარჯვებულმა კომპანიამ შესაბამისი ტურის ჩატარებამდე არაუგვიანეს 10 სამუშაო დღისა სამინისტროს უნდა მიაწოდოს კომისიის მიერ განსაზღვრული და კომისიის თითოეული წევრის მიერ ხელმოწერით დადასტურებული:

- „ესეების კონკურსის“ პირველი და მეორე ტურის, ასევე, პრეზენტაცია/გასაუბრების თემატიკა ელექტრონული და ბეჭდური სახით (თემატიკა უნდა იქნას შეთანხმებული სამინისტროსთან);
- სამივე ტურისათვის შეფასების კრიტერიუმები და შეფასების სქემა. კომისიის მიერ წინასწარ უნდა იქნას წარმოდგენილი შეფასების სქემა /რუბრიკა, სადაც მოცემული იქნება შეფასების ძირითადი კრიტერიუმები შინაარსისა (იდეა, აზრი) და ენობრივი მხარის (ლექსიკა, გრამატიკა, მართლწერა, პუნქტუაცია) გათვალისწინებით (ხელმოწერილი კომისიის თითოეული წევრის მიერ);
- ესეში მაქსიმალურ სიტყვათა რაოდენობა;
- დავალებათა, როგორც პირველი და მეორე ტურების ასევე, პრეზენტაცია/გასაუბრების შეფასების მაქსიმალური ქულა;
- კონკურსანტის მიერ დავალების (პირველი და მეორე ტურის, ასევე და მესამე - პრეზენტაცია/გასაუბრების) შესრულებისათვის გათვალისწინებული დროის ხანგრძლივობა;
- მეორე ტურის დამკვირვებელთა მონაცემები თამდართული ფორმის შესაბამისად (იხ. დანართი N2 - დამკვირვებელთა რეგისტრაციის ფორმა, დანართი N3 - დამკვირვებელთა უფლება-მოვალეობანი).

ესეების კონკურსის თემატიკის შედგენისას გასათვალისწინებელი კრიტერიუმები:

- საკონკურსო თემატიკა გათვალისწინებული უნდა იქნას საქართველოს განათლებისა და მეცნიერების მინისტრის 2011 წლის 11 მარტის №36/ნ ბრძანებით დამტკიცებული „ეროვნული სასწავლო გეგმის“ შესაბამისად.
- დავალების პირობა უნდა იყოს გრამატიკულად გამართული და მოსწავლისათვის გასაგები.

კონკურსანტის ნამუშევრის შეფასებისას:

პირველი და მეორე ტურის ნამუშევარი ესე ასევე, პრეზენტაცია/გასაუბრება უნდა შეფასდეს ტენდერში გამარჯვებული კომისიის მიერ წინასწარ შემუშავებული სქემის/რუბრიკის საშუალებით, სადაც მოცემული იქნება მისი შეფასების ძირითადი კრიტერიუმები შინაარსისა (იდეა, აზრი) და ენობრივი მხარის (ლექსიკა, გრამატიკა, მართლწერა, პუნქტუაცია) გათვალისწინებით.